

SUSUNAN KEUTAMAAN DKBPP

Pencalonan adalah untuk DKBPP yang **lebih tinggi** daripada DKBPP yang pernah diterima oleh calon berdasarkan Susunan Keutamaan DKBPP berikut:

Bil.	DKBPP	Huruf Ringkas
1.	Seri Pahlawan Gagah Perkasa	SP
2.	Darjah Kerabat Diraja Malaysia	DKM
3.	Darjah Utama Seri Mahkota Negara	DMN
4.	Seri Maharaja Mangku Negara	SMN
5.	Seri Setia Mahkota Malaysia	SSM
6.	Darjah Bakti	DB
7.	Panglima Mangku Negara	PMN
8.	Panglima Setia Mahkota	PSM
9.	Panglima Jasa Negara	PJN
10.	Panglima Setia Diraja	PSD
11.	Johan Mangku Negara	JMN
12.	Johan Setia Mahkota	JSM
13.	Johan Setia Diraja	JSD
14.	Kesatria Mangku Negara	KMN
15.	Kesatria Setia Diraja	KSD
16.	Ahli Mangku Negara	AMN
17.	Pingat Pangkuan Negara	PPN
18.	Bentara Setia Diraja	BSD
19.	Panglima Gagah Berani	PGB
20.	Jasa Perkasa Persekutuan	JPP
21.	Pingat Tentera Udara	PTU
22.	Pingat Kebaktian	PK
23.	Pingat Khidmat Berbakti	PKB
24.	Pingat Perkhidmatan Setia	PPS
25.	Kepujian Perutusan Keberanian	KPK
26.	Pingat Perkhidmatan Am	PPA
27.	Pingat Peringatan Malaysia	PPM
28.	Pingat Negara Bangsa-Bangsa Bersatu	PNBB
29.	Pingat Jasa Malaysia	PJM
30.	Pingat Pertabalan	-

 *DKBPP ini tidak termasuk dalam pencalonan.*

MAKLUMAT RINGKAS DKBPP

1. Seri Pahlawan Gagah Perkasa (SP)

- (i) Bintang Kehormatan ini dikurniakan kepada sesiapa juga yang telah menunjukkan keberanian luar biasa atau telah melakukan sesuatu dengan gagah berani dan penuh pengorbanan.
- (ii) Seseorang yang menerima anugerah ini layak untuk mendapat elaun kenangan berjumlah RM2,000 sebulan. Bagi anugerah *post-humous*, elaun kenangan akan dibayar kepada waris kadim sekaligus berjumlah RM20,000.
- (iii) Penerima pertama SP ialah mendiang Veloo a/l Rajavelu pada tahun 1963. Beliau dianugerahkan kerana keberanian dan semangat kemasyarakatan dalam membanteras rompakan di Klang pada Ogos 1962 sehingga mengorbankan nyawanya.

2. Seri Maharaja Mangku Negara (SMN)

- (i) Darjah Pangkat Pertama dalam Darjah Yang Mulia Pangkuan Negara ini dikurniakan kepada mereka yang telah berbuat jasa yang cemerlang kepada negara selama beberapa waktu dengan penuh tanggungjawab dan mereka ini mempunyai kedudukan yang tinggi serta berpengaruh.
- (ii) Pengurniaan Darjah Kebesaran ini membawa gelaran 'TUN'.

3. Seri Setia Mahkota (SSM)

- (i) Darjah Pangkat Pertama dalam Darjah Yang Mulia Setia Mahkota Malaysia ini dikurniakan kepada mereka yang telah banyak berbuat jasa yang cemerlang kepada Negara dengan penuh tanggungjawab dan berpengaruh serta bertaraf tinggi kedudukannya.
- (ii) Pengurniaan Darjah Kebesaran ini membawa gelaran 'TUN'.

4. Darjah Bakti (DB)

- (i) Darjah ini dikurniakan kepada rakyat Malaysia yang telah memberi sumbangan dalam semua bidang seperti bidang seni, sains dan kemanusiaan, dan telah mempunyai nama yang masyhur di Malaysia dan juga di peringkat antarabangsa.
- (ii) Darjah Kebesaran ini tidak membawa apa-apa gelaran dengan keahlian seramai 10 orang.

5. Panglima Mangku Negara (PMN)

- (i) Darjah Pangkat Kedua dalam Darjah Yang Mulia Pangkuan Negara ini dikurniakan kepada mereka yang tinggi taraf kedudukannya serta terkenal kerana perkhidmatan cemerlang mereka kepada Negara dalam apa jua lapangan.
- (ii) Pengurniaan Darjah Kebesaran ini membawa gelaran 'TAN SRI'.

6. Panglima Setia Mahkota (PSM)

- (i) Darjah Pangkat Kedua dalam Darjah Yang Mulia Setia Mahkota ini dikurniakan kepada mereka yang mempunyai taraf kedudukan yang tinggi serta terkenal kerana khidmat cemerlang kepada Negara dalam apa jua lapangan.
- (ii) Pengurniaan Darjah Kebesaran ini membawa gelaran 'TAN SRI'.

7. Panglima Jasa Negara (PJN)

- (i) Darjah Pangkat Pertama kepada Darjah Yang Mulia Jasa Negara ini dikurniakan kepada mereka yang mempunyai taraf kedudukan yang tinggi serta terkenal kerana khidmat cemerlang kepada Negara dalam apa jua lapangan.
- (ii) Pengurniaan Darjah Kebesaran ini membawa gelaran 'DATUK'.

8. Panglima Setia Diraja (PSD)

- (i) Darjah Pangkat Pertama dalam Darjah Yang Amat Dihormati Setia Diraja ini dikurniakan kepada mereka yang telah berkhidmat dengan cemerlang dan penuh taat setia kepada Seri Paduka Baginda Yang di-Pertuan Agong dan Seri Paduka Baginda Raja Permaisuri Agong.
- (ii) Pengurniaan Darjah Kebesaran ini membawa gelaran 'DATUK'.

9. Johan Mangku Negara (JMN)

- (i) Darjah Pangkat Ketiga dalam Darjah Yang Mulia Pangkuan Negara ini dikurniakan kepada mereka yang tinggi taraf kedudukan dan telah membuat jasa cemerlang kepada negara.

10. Johan Setia Mahkota (JSM)

- (i) Darjah Pangkat Ketiga dalam Darjah Yang Mulia Setia Mahkota ini dikurniakan kepada mereka yang tinggi taraf kedudukan dan telah membuat jasa cemerlang kepada Negara.

11. Johan Setia Diraja (JSD)

- (i) Darjah Pangkat Kedua dalam Darjah Yang Amat Dihormati Setia Diraja ini dikurniakan kepada mereka yang telah memberikan khidmat dan jasa yang cemerlang serta taat setia yang tinggi kepada institusi Seri Paduka Baginda Yang di-Pertuan Agong dan Seri Paduka Baginda Raja Permaisuri Agong.

12. Kesatria Mangku Negara (KMN)

- (i) Bintang ini dikurniakan kepada mereka yang telah berjasa tinggi kepada Negara dalam apa jua lapangan.

13. Kesatria Setia Diraja (KSD)

- (i) Bintang ini dikurniakan kepada mereka yang telah mempersembahkan jasa yang cemerlang kepada institusi Seri Paduka Baginda Yang di-Pertuan Agong dan Seri Paduka Baginda Raja Permaisuri Agong.

14. Ahli Mangku Negara (AMN)

- (i) Bintang ini dikurniakan kepada mereka yang telah memberi jasa-jasa yang cemerlang. Sumbangan dan khidmat bakti yang diberikan adalah yang lebih daripada yang sepatutnya.

15. Pingat Pangkuan Negara (PPN)

- (i) Pingat ini dikurniakan kepada mereka yang telah menunjukkan kecemerlangan dan kesetiaan terhadap perkhidmatan dan Negara dalam apa juga lapangan.

16. Bentara Setia Diraja (BSD)

- (i) Pingat ini dikurniakan kepada mereka yang mempersembahkan khidmat dengan bersungguh-sungguh dan setia kepada institusi Seri Paduka Baginda Yang di-Pertuan Agong dan Seri Paduka Baginda Raja Permaisuri Agong.

17. Panglima Gagah Berani (PGB)

- (i) Bintang Kehormatan ini dikurniakan kepada mereka yang telah menunjukkan kegagahan dan keberanian yang luar biasa sewaktu menghadapi musuh tanpa memikirkan keselamatan diri serta boleh dikurniakan kepada mereka yang telah meninggal dunia.
- (ii) Seseorang yang menerima anugerah ini layak untuk mendapat elaun kenangan berjumlah RM1,500 sebulan. Bagi anugerah *post-humous*, elaun kenangan akan dibayar kepada waris kadim sekaligus berjumlah RM15,000.

- (iii) Antara penerima pertama PGB ialah YBhg. Datuk Leftenan Abdul Rahman bin Haji Khamis pada tahun 1958. Beliau dikurniakan bintang ini kerana keberanian, kemahiran dan kepakaran luar biasa dalam operasi menentang kegiatan komunis sekitar tahun 1957.

18. Jasa Perkasa Persekutuan (JPP)

- (i) Bintang ini dikurniakan kepada mereka yang telah menunjukkan kegagahan dan keberanian luar biasa tanpa berhadapan dengan musuh. Pingat ini boleh dikurniakan walaupun seseorang itu telah meninggal dunia.
- (ii) Antara penerima pertama JPP ialah mendiang Koperal Penyiasat Choo Chan dari Cawangan Khas Perak pada tahun 1958. Beliau dikurniakan bintang ini kerana keberanian dalam banyak operasi khas dan juga ketika menyerang kem musuh.

19. Pingat Tentera Udara (PTU)

- (i) Pingat ini dikurniakan kerana keperwiraan, keberanian atau taat setia yang istimewa yang ditunjukkan oleh anggota-anggota Tentera Udara Diraja Malaysia semasa menjalankan tugas di dalam dan di luar operasi penerbangan. Pingat ini boleh dikurniakan walaupun seseorang itu telah meninggal dunia.

20. Kepujian Perutusan Keberanian (K.P.K.)

- (i) Anugerah ini dikurniakan kepada anggota Angkatan Tentera Diraja Malaysia dan Polis Diraja Malaysia yang telah menunjukkan sesuatu yang dianggap gagah atau berani dan patut diiktiraf, akan tetapi taraf keberanian tidaklah sebegitu tinggi untuk dikurniakan sesuatu Pingat. Lambang ini boleh dikurniakan walaupun seseorang itu telah meninggal dunia.

SYARAT KELAYAKAN PENCALONAN DKBPP

KRITERIA	SMN	SSM
Penjawat	TYT Yang di-Pertua Negeri, Bekas Perdana Menteri	Bekas Timbalan Perdana Menteri, Ketua Hakim Negara
Pentadbiran		
a) Gred Jawatan	-	-
b) Umur	-	-
c) Tempoh Khidmat	-	-
Profesional		
a) Gred Jawatan	-	-
b) Umur	-	-
c) Tempoh Khidmat	-	-
Ahli Politik		
a) Jawatan	-	-
b) Umur	-	-

KRITERIA	PMN	PSM
Penjawat	YDP Dewan Negara, YDP Dewan Rakyat, Bekas Menteri, Ketua Setiausaha Negara, Peguam Negara Panglima Angkatan Tentera (PAT), Ketua Polis Negara (KPN)	Bekas Menteri Besar, Bekas Ketua Menteri, Presiden Mahkamah Rayuan, Hakim Besar Malaya, Hakim Besar Sabah/ Sarawak Hakim Mahkamah Persekutuan Hakim Mahkamah Rayuan
Pentadbiran		
a) Gred Jawatan	-	Gred Utama Turus I, II & III
b) Umur	-	Melebihi 50 tahun
c) Tempoh Khidmat	-	-
Profesional		
a) Gred Jawatan		Gred Utama A Gred Khas A
Tentera	-	Penjawat 4 Bintang
Polis		Timbalan KPN Penjawat 4 Bintang
Swasta		Pengerusi Eksekutif Sykt. Utama
b) Umur	-	Melebihi 45 tahun
c) Tempoh Khidmat	-	-
Ahli Politik		
a) Jawatan	-	-
b) Umur	-	-

KRITERIA	PJN	PSD
Penjawat	Bekas Tim. Menteri, Tim. YDP Dewan Negara/ Rakyat, Bekas SUPAR, Mufti, Ahli Mesyuarat Kerajaan Negeri Ahli Parlimen	(Terlibat dengan tugasan berkaitan institusi SPB Yang di-Pertuan Agong)
Pentadbiran		
a) Gred Jawatan	Gred Utama Turus III, A, B	
b) Umur	Melebihi 45 tahun	
c) Tempoh Khidmat	-	
Profesional		
a) Gred Jawatan	Gred Utama A, B Prof. Khas A	
Tentera	Lt. Jeneral	
Polis	Pesuruhjaya Polis	
Swasta	Pengarah Urusan Sykt . Utama	
b) Umur	Melebihi 45 tahun	
c) Tempoh Khidmat	-	
Ahli Politik		
a) Jawatan	-	
b) Umur	-	

KRITERIA	JMN	JSM
Penjawat	-	-
Pentadbiran		
a) Gred Jawatan	Gred Utama A, B	Gred Utama C
b) Umur	Melebihi 45 tahun	Melebihi 45 tahun
c) Tempoh Khidmat	-	-
Profesional		
a) Gred Jawatan	Gred Khas A, B Prof. Khas B	Gred Khas C Gred 54 (T6) Prof. Khas C
Tentera	Lt. Jeneral Mej. Jeneral	Brig. Jeneral
Polis	Pesuruhjaya Polis Timbalan P/jaya Polis	Pen. Kanan P/jaya Polis I Pen. Kanan P/jaya Polis II (T6)
b) Umur	Melebihi 45 tahun	Melebihi 45 tahun
c) Tempoh Khidmat	Melebihi 15 tahun	Melebihi 15 tahun
Ahli Politik		
a) Jawatan	Ahli Parlimen Ahli Mesyuarat Kerajaan Negeri	Ahli Parlimen ADUN
b) Umur	Melebihi 45 tahun	Melebihi 45 tahun

KRITERIA	JSD	KMN
Penjawat	(Terlibat dengan tugas berkaitan institusi SPB Yang di-Pertuan Agong)	-
Pentadbiran		
a) Gred Jawatan		Gred 53-54 Gred 45-52 (T6)
b) Umur		Melebihi 40 tahun
c) Tempoh Khidmat		Melebihi 18 tahun
Profesional		
a) Gred Jawatan		Gred 53-54 Gred 45-52 (T6) Prof. Khas C Prof. Madya
Tentera		Kolonel Lt. Kolonel
Polis		Pen. P/jaya Polis
b) Umur		Melebihi 45 tahun
c) Tempoh Khidmat		Melebihi 15 tahun
Ahli Politik		
a) Jawatan		AJK Bahagian
b) Umur		Melebihi 45 tahun

KRITERIA	KSD	AMN
Penjawat	(Terlibat dengan tugas berkaitan institusi SPB Yang di-Pertuan Agong)	-
Pentadbiran		
a) Gred Jawatan		Gred 41-52 Gred 33 -40 (T9)
b) Umur		Melebihi 40 tahun
c) Tempoh Khidmat		Melebihi 15 tahun
Profesional		
a) Gred Jawatan		Gred 41-52 Gred 33 -40 (T9)
Tentera		Mejar, Kapten Lt./2nd. Lt.
Polis		T/Penguasa Polis Penguasa Polis Pen. Penguasa Polis Ketua Inspektor Inspektor
b) Umur		Melebihi 45 tahun
c) Tempoh Khidmat		Melebihi 15 tahun
Ahli Politik		
a) Jawatan		AJK Cawangan
b) Umur		Melebihi 45 tahun

KRITERIA	PPN	BSD
Penjawat	-	(Terlibat dengan tugas berkaitan institusi SPB Yang di-Pertuan Agong)
Pentadbiran		
a) Gred Jawatan	Gred 32 dan ke bawah	
b) Umur	Melebihi 35 tahun	
c) Tempoh Khidmat	Melebihi 15 tahun	
Profesional		
a) Gred Jawatan	Gred 32 dan ke bawah	
Tentera	Lain-lain pangkat	
Polis	Lain-lain pangkat	
b) Umur	Melebihi 35 tahun	
c) Tempoh Khidmat	Melebihi 15 tahun	
Ahli Politik		
a) Jawatan	Ahli Biasa	
b) Umur	Melebihi 45 tahun	

PANDUAN MENGGISI BORANG

1. Pencalonan bagi Darjah Kebesaran, Bintang dan Pingat Persekutuan hendaklah dibuat dengan menggunakan borang-borang mengikut kategori pencalonan seperti berikut :

Kategori	Borang
Perkhidmatan Awam	A
Pihak Berkuasa Tempatan/ Badan Berkanun	B
Swasta/Persatuan/ Sukarela/ Sukan	C
Warganegara Asing	D
Perkhidmatan Angkatan Tentera Malaysia	E
Perkhidmatan Polis Diraja Malaysia	F
Pertubuhan Politik	G

2. Borang-borang pencalonan hendaklah **diisi dengan lengkap dan tepat** oleh Pencadang dan **dirahsiakan daripada calon**.
3. Setiap borang pencalonan hendaklah dikemukakan dalam **dua salinan**.
4. Asas pencalonan hendaklah disertakan bersama dengan menggunakan format seperti di **LAMPIRAN '1'**.
5. Pencalonan yang dihantar **selepas tarikh tutup pencalonan tidak akan dipertimbangkan** dan akan diminta mengemukakan pencalonan untuk tahun berikutnya.
6. Jika jumlah pencalonan melebihi dua orang, senarai ringkasan maklumat calon-calon tersebut hendaklah disertakan seperti contoh berikut:

Contoh

**SENARAI NAMA KAKITANGAN YANG
DICADANGKAN UNTUK KURNIAAN DARJAH KEBESARAN,
BINTANG DAN PINGAT PERSEKUTUAN TAHUN 2008**

KEMENTERIAN KERJARAYA

BIL.	NAMA/ JAWATAN	NO. K/P LAMA/ BARU	KURNIAAN
1.	Y.Bhg. Dato' Lim Soo In Ketua Pengarah Jabatan Kerja Raya	1234567/ 520505- 04-5355	PJN
2.	Puan Sarah Ganeson Pengarah Bahagian Saraan Jabatan Kerja Raya Wilayah Persekutuan	0199924/ 570728- 06-5164	JMN
3.	Encik Yeo Eng Seng Pengarah Bahagian Kewangan Jabatan Kerja Raya	4235675/ 590506- 07-5929	JMN
4.	Encik Alim bin Busu SUB Bahagian ICT Jabatan Kerja Raya	2345687/ 560830- 12-4146	KMN
5.	Puan Seleha bte Amat Jurutera Kanan Jabatan Kerja Raya	2460728/ 690612- 08-5328	AMN

7. Pencalonan Kategori Perkhidmatan Awam

- Pencalonan pegawai dan kakitangan di bawah Kategori Perkhidmatan Awam hendaklah **dikemukakan melalui Kementerian** masing-masing.
- Kementerian hendaklah memastikan calon-calon yang dikemukakan **bersih daripada sebarang rekod tindakan disiplin** dan benar-benar layak untuk dipertimbangkan.
- Pencalonan bagi **Perkhidmatan Gunasama**
 - **Peringkat negeri:**
Pencalonan hendaklah dibuat oleh Ketua Jabatan di peringkat negeri dan disokong oleh Ketua Perkhidmatan sebelum dikemukakan kepada Ketua Setiausaha Kementerian berkenaan
 - **Peringkat Kementerian/ Jabatan Persekutuan:**
Pencalonan hendaklah dibuat oleh Pegawai yang tarafnya tidak rendah daripada Setiausaha Bahagian/ Pengarah Bahagian atau yang setaraf dengannya dan disokong oleh Ketua Perkhidmatan sebelum dikemukakan kepada Ketua Setiausaha Kementerian berkenaan
- Pencalonan pengurniaan **Darjah Kebesaran** hendaklah mendapat sokongan YB Menteri/ YAB Menteri Besar/ YAB Ketua Menteri.

8. Pencalonan Kategori Pihak Berkuasa Tempatan/ Badan Berkanun

- Pencalonan pegawai dan kakitangan di bawah Kategori Pihak Berkuasa Tempatan/ Badan Berkanun hendaklah **dikemukakan melalui Kementerian** di mana masing-masing bernaung.
- Syarat-syarat lain adalah sama seperti Kategori Perkhidmatan Awam.

9. Pencalonan Kategori Swasta/ Persatuan/ Sukarela/ Sukan

- Pencalonan individu di bawah kategori swasta/ persatuan/ sukarela/ sukan hendaklah **dikemukakan melalui Kementerian** di mana individu tersebut terlibat untuk memberi khidmat, sumbangan dan jasa.
- Individu yang merupakan pegawai atau kakitangan Awam/ Pihak Berkuasa Tempatan/ Badan Berkanun dan dicalonkan di bawah kategori ini **wajib** mendapat sokongan daripada Ketua Jabatan masing-masing terlebih dahulu.

10. Pencalonan Kategori Warganegara Asing

- Pencalonan warganegara asing hendaklah **dikemukakan melalui Kementerian** di mana individu tersebut terlibat untuk memberi khidmat, sumbangan dan jasa.
- Maklumat penting seperti Nombor Pasport/nombor pemastautin tetap dan negara asal warganegara asing tersebut hendaklah disertakan dengan lengkap dan tepat untuk membolehkan urusan pencalonan dilaksanakan sewajarnya.

11. Pencalonan Kategori Perkhidmatan Angkatan Tentera Malaysia

- Pencalonan bagi kategori ini hendaklah dilengkapkan dan dikemukakan melalui Urusetia Jawatankuasa Khas Pemilihan DKBPP yang dipengerusikan oleh Panglima Angkatan Tentera.
- Pencadang hendaklah memastikan bahawa anggota yang dicalonkan **belum dikurniakan** dengan Darjah Kebesaran, Bintang dan Pingat yang dicadangkan.
- Setiap pencalonan anggota ATM **diwajibkan** untuk menyertakan No. Kad Pengenalan Awam.

12. **Pencalonan Kategori Perkhidmatan Polis Diraja Malaysia**

- Pencalonan bagi kategori ini hendaklah dilengkapkan dan dikemukakan melalui Urusetia Jawatankuasa Khas Pemilihan DKBPP yang dipengerusikan oleh Ketua Polis Negara.
- Pencadang hendaklah memastikan bahawa anggota yang dicalonkan **belum dikurniakan** dengan Darjah Kebesaran, Bintang dan Pingat yang dicadangkan.
- Setiap pencalonan anggota PDRM **diwajibkan** untuk menyertakan sekali No. Kad Pengenalan Awam.

13. **Pencalonan Kategori Pertubuhan Politik**

- Pencalonan bagi kategori ini hendaklah dilengkapkan dan dikemukakan melalui Setiausaha Agung Parti masing-masing bagi diperakukan oleh Jawatankuasa Khas Pemilihan DKBPP yang dipengerusikan oleh Setiausaha Agung Barisan Nasional.
 - Pencadang hendaklah memastikan bahawa individu yang dicalonkan **belum dikurniakan** dengan Darjah Kebesaran, Bintang dan Pingat yang dicadangkan.
14. Keutamaan hendaklah diberi kepada calon-calon yang belum menerima sebarang DKBPP tetapi telah banyak berbakti kepada negara.
15. Seseorang yang telah menerima DKBPP hanya boleh dicalonkan semula **selepas tiga (3) tahun** kurniaan terdahulu.
16. Jawatankuasa Tetap DKBPP berhak memperakukan DKBPP yang lebih rendah atau menggugurkan pencalonan jika didapati DKBPP yang dicadangkan adalah tidak setaraf dengan jawatan/ sumbangan calon-calon.

NOMBOR TELEFON DAN ALAMAT

Urus setia Jawatankuasa Tetap DKBPP

Nombor telefon :

1. 03-8872 6639
2. 03-8872 6640
3. 03-8872 6641
4. 03-8872 6642
5. 03-8872 6643

No. Faks : **03 8888 3981**

Laman Web : **www.istiadat.gov.my**

Alamat :

Setiausaha Bahagian
Bahagian Istiadat & Urusetia Persidangan Antarabangsa
Jabatan Perdana Menteri
Aras 6, Blok B3
Pusat Pentadbiran Kerajaan Persekutuan
62502 PUTRAJAYA